

Maro ar c'hi rouz

Presbital Plougwin 374

Var Dôn eur Werz koz

1

Selaouit braz ha bian, tud koz ha bugale
Potred a Lanrivogare, merc'hed Gwitalmeze
Lambôliz, Santiz-Pabu, pagahiz Landeda,
Eur c'helou trist a lakfe eur garrrek da ouela.

2

Persoun Plougwin en doa, dre vadelez Doue,
Eur c'hi euz ar re gaerra da ziouall e leve,
Allaz, allaz, an Ankou zo kwezet var ar vro
« Tout-Pipi » ar c'hi terrubl, « Tout-Pipi » zo maro.

3

Kavet vardro Lockmajan, puchet en eur c'horn-tro,
Ha gwerzet d'ar presbital vit eur banne « tako »,
Tout-Pipi n'eo ket eaz anaout he ourin,
Ar pez zo sur, he gerent n'emaïnt ket e Plougwin.

4

Diouz ma kount eur miliner e zeo, deut euz a hell,
Euz a gichen Tombouktou pe deuz a Blouarzel,
Ma neo ket euz a Gastel, pe deuz a Enez-Vaz,
Var-eün a-hed al lignez divar gi Tobiaz

5

Kement o deuz hen gwelet e kreiz e yaouankiz
A zo red dezho anzaos e zoa eur c'hi dreist-priz,
Gant he zae flour marellet, dem-rouz ha dem-velen
Roschild en dije prenet kant mil lur he groc'hen !

6

Rampet evel eun trebest, he gov tost d'an douar,
Biskwaz eur barrad evel he c'hellaz hen-diskar,
He fri tougn du-mogeded, he froñiou braz-digor
O dije great, avi da botred an Arvor !

« Rap, rap, » leiz e gornanen, « rap, rap, »
C'hoant en doa kara gwelloc'h eget kloc'h Treglonou.

8

Ne oa ken da lavaret nemet, e pevar ger,
Ne jouche ket awalac'h a-zindan he dailler,
Ha c'hwaz ma ve bet gwisket dezhan eun tam bragez
Ne voa ket 'propoc'h aotrou var zouar ar barrez.

9

Pa gweze er presbital an derchen, ar c'hlenved
N'oa ket gwelloc'h medesin eget ar c'hi raouled,
Da gonsoli ar c'hlanvour en he bourmenaden
Tout-Pipi d'ar pildrotik a gerze 'n he gichen.

10

Siouaz, ar givizerien, re vag en ho staliou
O doa taolet varnezhan málloz Fanch an Ankou,
Ha dizale oue gwelet he groc'hen o freuza
He gov serret d'ar bouet, hag he lost o kweza.

11

He zaoulagad koc'hennet, he benn trist a pounner,
Kaer e oa pokat dezhan, ha dourna kant Pater,
Eun dervez e oue ranket e gas da « Bont-an-Traon »
Eno e zeo bet krouget. Kleier sonit : kaony, kaony !

12

C'hoarzit brema dizourzi, targisien ar barrez
Ne vezoc'h mui dilojet euz a douez an dréz
Ha c'hui, laeroun avalou, ha laeroun ar pechez
Ne vezo mui diskolpet loeren ho pragez

13

Biken n'hellin lavaret pegen braz rangalon
O peuz bet da ziwaska, paour-keaz Aotrou Person,
Koll eur c'hi euz ar seurt-ze a zo koll eur fortun
Gwelloc'h e ve deoc'h beza torret ho korn butun !

14

Ha c'hui, tud ar presbital, Mari ha Mari-Jean
C'hui o pije evithan taolet ho tourn en tann ;
Kemmeskit oll ho taelou ha kanit ganen-me :
Kenavo d'an Tout-Piti : « Requiescat in Pace » !

(Great gant PAOTR TRÉOURE, da c'hi rouz, he vedezin).